

## XCIX.

*Lettre du Prince d'Orange aux États de Flandre. —  
Ordre de fortifier la ville de Furnes. (Arch. Y.)*

1579  
20 Février.

Messieurs, Comme il est entièrement nécessaire que la ville de Furnes soit munie de nouvelles fortifications pour tant mieulx resister aux invasions de l'ennemy, vous ay bien voulu faire ce mot affin de donner ordre au magistrat de la d<sup>te</sup> ville d'y employer les moyens requises a cest effect et faire tout bon debvoir quil se mette tant plus promptement en execution et d'aultant que la dicte ville est de telle importance, come scavez, et que pour cela il conviendrait qu'elle soit pourvue de quelque personne fidele d'authorite et de comandemt, vous ay bien voulu recommander le porteur de la presente le S<sup>r</sup> de Winterhove a pnt Capitaine en la d<sup>te</sup> ville, vous priant le vouloir pourveoir devant aultres avecq la d<sup>te</sup> charge veu les bons offices quil a fait jusques a maintenant en ce qui concerne la defense et conservation de la d<sup>te</sup> ville, et ne servant ceste a aultre fin prieray Dieu vous donner

Messieurs avecq bonne sante heureuse vie et longues annees.  
d'Anvers le 20 febvrier 1579.

Vre bien bon amy a vous fre service.

GUILL DE NASSAU.

A Messieurs

M<sup>rs</sup> les quatre membres de Flandres.